



## **Vniuersa Theologia Scholastica, Speculatiua, Practica**

Ad methodum S. Thomæ, quatuor Tomis comprehensa

**Tanner, Adam**

**Ingolstadii, 1626**

VIII. De modo cognitionis Angelicæ, an scilicet ea cognitio semper sit in actu secundo, & quidem plurimum, aut omniu[m] obiectoru[m] simul, an etiam discursiua, vel habitualis, aut errori obnoxia.

---

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

Nec obstat primò, quod assensus evidenti reuelatione nixus, in Prophetis, & Apostolis fuit supernaturalis. Diversa enim ratio est Prophetarum & Apostolorum: non solum quia in his assensus reuelationis ex pia applicatione voluntatis ad eius actus exercitum processit; sed etiam, quia ipsi, spectando peculiarem modum reuelationis evidentiis, indigebant ad eam reuelationem cognoscendam, elevatione intellectus per lumen supernaturale: cum tamen dæmones ad evidentiā illam diuinā reuelationis cognoscendam, ipsa quadammodo experientia, seu memoria naturali rerum præteritarum vel inuiti cogantur.

**16** Nec secundò refert, quod entitas reuelationis evidentiis, vtique non minus præstans & perfecta est, quam reuelationis obscuræ: quia supernaturalitas huius obiecti non sumitur ex entitate absoluta ipsius reuelationis, sed ex proportione, quam sub ratione intelligibilis habet ad intellectum. Sicut etiam ipse Deus, et si per se ac intrinsecè vtique sit. Eas, vt ita dicam, supernaturalissimum, tamen in quantum est vnuſ, & vt auctor & finis natura, habet rationem obiecti naturalis; non autem vt est trinus, vel auctor & finis ordinis supernaturalis. Eadem ratione potest DEI substantia aliquo modo naturaliter cognosci; & tamen vno eius Hypostatica cum Verbo; aut etiam existentia Christi sub sacramento naturaliter & sine reuelatione non potest cognosci.

**17** Fatendum est tamen, aliquid esse discrimen inter res creatas, & inter Deum authorem creaturarum; quia supernaturalitas Dei, in ordine ad cognitionem non sumitur ex intrinsecā ipsius entitate & substantia vt dictum; sed ex proportione in ordine ad intellectum; quod pariter etiam de diuina reuelatione dicendum videtur: at verò aliarum rerum seu accidentium supernaturalitas, etiam per modum obiecti, & respectu intellectus sumitur ex ipsa intrinsecā, & vt ita dicam, entitatua supernaturalitate earundem, vt diximus. Et ratio diuersitatis est. Quia DEVS, licet intrinsecè secundum suam entitatem sit plenē supernaturalis, tamen per effectus suos, qui ab illo necessariam habent dependentiam, naturaliter obiectūt facultati intelligendi: at verò accidentia supernaturalia nec per se & suam entitatem, eo ipso, quod supernaturalia sunt; nec per effectum aliquem naturalēm; siquidem nullus effectus naturalis per se à re vel causa supernaturali dependet; vlo modo naturali vi intelligendi obiectūt. Quod discrimen etiam insinuauit Suarez hic libro 2, citat. capite 29 à numero nono.

### D V B I V M VIII.

**De modo Cognitionis Angelice:**  
an scilicet ea cognitione sit semper in actu secundo; & an posset esse plurimum obiectorum

simul; an sit discursua; an etiam habitualis; aut errorio bona.

S. Thomas 1. part. q. 58. aa. 7.

**A** Git Sanctus Thomas de hac re, tota questione 58. citata; & verò posunt omnia attributa cognitione Angelicæ ad quinque capitula in titulo dubitationis proposita reuocari. Nam quod præterea artic. 6. & 7. speciatim querit Sanctus Thomas, an cognitione Angelicæ possit etiam dici matutina & vespertina, & qua ratione ha cognitiones inter se differant, non habet opus peculiari explicatione; siquidem hac de re, per comparationem ad beatos, in genere, actum est iam supra disputatione 2. quest. 6. dub. 8. De ceteris ergo solum attributis aliquor assertionibus agendum.

**Assertio I.** Intellectus Angeli nec est in potentia, quoad spectantia ad actum primum intelligenti ea, qua naturaliter cognoscit; nec vngnā est in nuda potentia, respectu actus secundi; sive loquamur de cognitione supernaturali visione beatificæ in beatis; sive de cognitione naturali. Ita S. Thomas cit. quest. 58. art. 1. qui ex Aristotele lib. 3. de anima text. 8. & 8. Physic. text. 32. notat, intellectum duplicitate posse esse in potentia; uno modo; sicut ante addiscere & invenire, id est, antequā habeat habitum scientiæ, seu species intelligibiles, ad actum scientiæ requisitas: alio modo, sicut qui iam habeat habitum scientiæ, sed non considerat; quod est dicere, vel respectu alicuius spectantis ad actum primum intelligenti, vel respectu ipsius actus secundi, vt in assertione diximus. Eadem est communis sententia Doctorum, quos assert. sequenti referemus.

Ratio primæ partis est; quia Angelus habet species ad naturalem cognitionem requiras, ab ipsa creatione inditas, vt dictum dub. 2. habitus autem cognitionis naturalis non est capax, vt dicatur assert. 7. Ergo quantum ad actum primum attinet, nihil penitus Angelo deest, quod ad naturalem eius cognitionem requiratur; quicquid Scotus, & ex parte Suarez, aliquę relati cit. dub. 2. 4. & 5. dixerint, species etiam rerum naturalium, aut omnium, australiuarum, ab Angelo acquiri; quos ibidem refutauimus.

Confirmat idem Sanctus Thomas etiam à simili. *Sicut enim corpora caelestia*, inquit, *non habent potentiam ad esse*, quia non sī completa per alium; ita caelestis intellectus, scilicet Angeli, non habet aliquam intelligibilem potentiam, quia non sī totaliter completa (respectu naturalium obiectorum) per species connotatales eius. Et mox addit, diuersam esse quoad hoc rationem cognitionis supernaturalis. Nam quantum ad ea, inquit, quae diuinis reuelantur, nihil prohibet intellectus eorum esse in potentia: quia si etiam corpora caelestia sunt in potentia quandoque, ut illuminentur à sole.

Secunda pars, quoad visionē beatificā, est extra controuersiā, quia hæc visio est perpetua & inuariabilis: Quare ad cognitionem Verbi, inquit S. Thomas, *Eritis, quia in Verbo videt, intellectus Angeli nunquam est in potentia*; quia semper actu intuetur Verbum. *O*

ea que

*ea quæ in Verbo videt.* In hac enim visione eorum beatitudo consistit. Beatitudo autem non consistit in habitu, sed in actu, ut dicit Philosophus 1. Ethic. capite 8. Quod notandum est, contra quoddam, qui dixerunt, beatos non omnia statim ab initio videre, quæ in Verbo vident, quos refutauimus supra disp. 2. q. 6. dub. 10.

5 Tertia pars, de cognitione naturali, insinuatur à S. Thome ibidem, cum docet etenim tantum esse in potentia respectu naturalis cognitionis, quantum non omnia, inquit, *qua naturali cognitione cognoscit, semper actu considerat.* Et resp. ad 3. vniuersum ait, *intellexum Angelii non sic esse in potentia, quod sit sibi que actu.* Idem exp̄l̄ docet lib. 2. contra gent. cap. 97. & in alijs locis, ut dicetur assert. seq. ex qua etiam magis confirmabitur hæc assertio. Ratio vero communis est. Quia naturale agens, semper, quantum potest, satagit, ut perfectionem suam naturalē obtineat: actus vero naturalis intellexi est naturalis quædam perfectio Angelici intellectus; ergo Angelus quoad potest, semper in hoc incumbit, ut hac perfectione non destituatur. Potest autem, si velit, semper hanc perfectionem obtinere; nec enim ut homo fatigatur, aut somno vel morbo, alijs modis impedit potest, quo minus actu semper aliquid intelligat. Deinde anima rationalis nunquam omnino ab omni actu cessat; semper enim saltē vegetationis, aut respirationis actu exerceat. Ergo nec Angelus, qui magis adiuus est, ab omni omaino actu naturali potest cessare. Ergo nec ab omni intellectione naturali; siquidem cum Angelus sit agens merè intellectuale, non potest vllum actuū merè naturalem alterius potentiae exercere, nisi prævia intellectione naturali accommodata. Addit Suarez infra citandus etiam alias duas rationes. Tum quia Angelus non potest voluntate sua suspendere omnem actuū intellectus. Tum quia impossibile esset Angelo, omni actu suspenso, ab intrinseco redire ad cogitandum; quod perfectioni Angelica repugnat.

6 Assertio II. Angelus seipsum, & Deum cognitione naturali semper actu ac necessario cognoscit. Primam partem de cognitione sui tradit S. Thomas libro 2. cont. gent. cap. 97. & quest. 8. de verit. art. 6. ad 7. & art. 14. ad 6. & in 2. d. 11. quest. 2. art. 3. ad 4. Heruæus in 2. dist. 3. quest. 4. Agidius dist. 3. part. 2. quest. 2. art. 1. Capreolus quest. 2. art. 3. Durandus quest. 8. nom. 9. Ferrariensis cap. 97. Caietanus & alij Thomistæ communiter cit. quest. 38. art. 2. Molina ibidem disp. 1. Gregorius de Valentia quest. 9. punct. 1. Suarez hic libro 2. cap. 35. adeoque communis Doctorum; ita ut Vasquez disp. 210. c. 3. dicat, se non legisse vllum ex scriptoribus, qui oppositum doceat; nec esse rationem vllam, quæ proberet, Angelum à cognitione sui cessare posse; quamvis interim ipse rem totam, in dubio ponat. Ratio est. Quia cum pro ratione sua perfectionis, semper debeat esse in actu aliquo secundo, etiam respectu cognitionis naturalis, ut dictum; non potest vllum obiectum ei magis esse connaturale, quod actu semper intelligat, quam propria substantia. Accedit, quod hoc sit necessarium, ut Angelus seipsum libere applicare possit de novo ad intelligendum, ut dicetur assert. 5.

Ex quo etiam colligitur secunda pars, nimirum Angelum actu quoque semper considerare Deum, saltem ut authorem & principium sui Esse, ut recte docent Capreolus, Caietanus, Molina, Valentia, Suarez cap. 38. alijque recentiores Thomistæ locis citatis, & fateretur, consequenter dicendum Vasquez loc. cit. licet absolute dubius. Quia enim Angelus se intuitu ac comprehensu cognoscit, non potest non etiam simul cognoscere eam, quam à Deo habet, dependentiam, ut pote quæ realiter ab ipso Angelon non distinguatur. Quæcum ita sint, consequens est, Angelum naturaliter ac necessario seipsum ac Deum intelligere, ut etiam Zumel, Bannes, alijq; citati indicant. Si enim liberè hoc faceret, certe aliquando desisteret; præsertim malus Angelus; cui non potest non esse ingratia Dei memoria. Existimandum vero est, hanc necessitatem habere ex via naturæ, ita ut hæc cognitione naturaliter debita sit Angelo, & quasi per modum proprietatis ab ipso emanet; ut explicat Suarez cit. cap. 35. num. 22.

7 Assertio III. Potest quidem Angelus naturaliter cognoscere non solum multa simul, per modum vniuersi, v. g. partes lineæ, prout vnum continuum efficiunt; atque etiam omnia simul, quæ per vnam speciem ipsi representantur; sed etiam multa vnta, quæ per species sive media diuersi plane generis & ordinis ei representantur; v. g. Deum per ipsius essentiam, visione beatifica; seipsum per suam essentiam; & alium Angelum, seu rem aliam, per speciem sibi cognitam.

8 Prima pars est S. Thomæ q. 58. a. 2. & communis, atq; extra controversiam; & patet ex eo, quia ut recte S. Thomas ibidem, nos ipsitiam hoc modo multa simul videmus & intelligimus; puta omnia partes animalis, hominis, &c. item prædicatum & subiectum; duo comparata vel correlativa, &c. secundum Aristotelem 3. de anima tex. 23. & 24.

9 Secundam partem tradit S. Thomas cit. quest. 58. art. 2. vbi hoc accommodat tam visioni beatificæ, quam cognitioni naturali, sed diuersimodè; per illam enim docet necessario omnia simul cognosci; per hanc vero posse ab Angelis omnia simul cognosci, quæ per vnam speciem representantur. Idem docent Caietanus, Bannes, Zumel, Valentia locis citatis, et si neget Molina quest. 55. a. 2. & quest. 58. art. 2. disput. 2. Rationem assignat S. Thomas hoc modo. *Multa*, inquit, *secundum quod uniuersit in uno intelligibili, sic simul intelliguntur. Vnumquodque autem est intelligibile in actu, secundum quod eius similitudo est in intellectu.* Quæcumque igitur per vnam speciem intelligibilem cognoscuntur, cognoscuntur ut vnum intelligibile: & ideo simul cognoscuntur. Quæ vero per diuersas species intelligibiles cognoscuntur, ut diversa intelligibilia capiuntur. Angelus igitur ea cognitione, qua cognoscunt res per Verbum, omnia cognoscunt una intelligibili specie, quæ est essentia divina. Et ideo quantum ad talern cognitionem omnia simul cognoscunt: scilicet & in patria non erunt volubiles nostræ cogitationes, ab alijs in alia euntes atque redeuentes; sed omnem scientiam nostram simul uno conspectu videbimus, ut Augustinus dicit 15. de Trinitate cap. 16. Ea vero cognitione qua cognoscunt res per species innatas, omnia illa simul posse intelligere, quæ una specie cognoscuntur; non autem illa, quæ diuersis. Ita Sanctus Thomas. Quod et

iam Capreolus in 2. dist. 3. quæst. 2. art. 1. Ferrariensis 2. cont. gent. cap. 101. item Caietanus, Valentia, Suarez, aliquis Thomistæ locis citatis abolutè, ut sonat, accipiunt; et si Vasquez disputatione 221. capite 3. existimat, cum limitatione solum accipendum, ut solum intelligatur de tota latitudine specifica; non individuali carum rerum, que per unam speciem repræsentantur; alias enim futurum putat, ut possit simul etiam naturaliter cognoscere infinita, saltem si infinita individualia caularum naturalium ac necessiarum essent futura; quandoquidem singulatam futura, quam præsentia naturaliter alias cognoscere potest Angelus. Sed quia ipsa infinita eiusmodi individualia non sunt futura; contingentia vero & libera, quæ in infinitum futura sunt, Angelus per se naturaliter non potest distinguere cognoscere; ut suo loco dictum dub. 5. ideo loquendo de facto, nulla videtur opus limitatione, ut recte etiam Suarez loco citato num. 11. quandoquidem etiam oculus noster suo modo etiam innumeram quodammodo stellarum aut hominum multitudinem simul videre potest: cur ergo hoc negetur intellectui Angelico, respectu cuiusvis multitudinis finita, quæ per unam speciem Angelu naturaliter ex se potest repræsentari. Quod si infinita futura essent caularum naturalium ac necessiarium individualia, facile concesserim, non posse per has species omnia simul distinguere, sed solum confusè repræsentari. Et confirmatur assertio. Quia propterea Angelis inditæ sunt species magis vel minus univales, ut sint uniuscuiusque lumini eiusque efficacitati naturali, etiam in extensione ad obiecta proportionatae: alioqui enim superflua esset species univales impressa, si expressa ei non posset esse adæquata, ut recte Suarez loc. cit.

**11** Tertiam partem tradit Sanctus Thomas quodlib. 9. quæstione 4. art. 7. & est itidem communis, & extra controveriam: quia alias Angelus aut seipsum non semper actu intelligeret, aut non posset unquam aliud quicquam, v. g. alium Angelum, per inditam speciem intelligere; quorum utrumque est absurdum. Accedit quod nos ipsi etiam diuerso cognitionis genere plura ut plura simul cognoscere possumus, dum aliud videmus, aliud audimus; aliud intelligimus: sicut & Christus in terris perpetuo visione DEI beatus fuit, & tamen alias simul diuersa cognitione cognovit. Quod si nos ipsi permanentem potentiam intellectuam, non possumus naturaliter plura ut plura diuerso cognitionis genere cognoscere, ratio esse debet: quia unum solum cognitionis genus nobis est naturale, nempe perspectives acquisitas, cum dependentia à phantasmatis; licet alias nulla etiam in nobis foret repugnantia, ut dicimus.

**12** Assertio IV. An vero Angelus, vel anima nostra, simul possit intelligere multa, per species eiusdem generis & ordinis, controversum est: & verior videatur sententia affirmativa, posse unum eum simul intelligere multa ut multæ; adeoq; & diuersis conceptibus seu aëlibus, & diuersis speciesbus eiusdem etiam ordinis repræsentata; licet non tam perfectè, quam si unum tantum intelligeretur obiectum; quia pluribus intentus minor est ad singula sensus. Ita sententia Durandus in 2. d. 3. q. 8. n. 7 nisi quod ille spe-

cies uniuersum rejecit; item Ariminensis in 1. d. 1. q. 1. a. 3. Sotus lib. 1. poster. q. 1. Gregorius de Valencia q. 9. punct. 3. Molina cit. q. 58. a. 2. disp. 1. Vasquez disp. 220. c. 2. & Suarez hic lib. 2. c. 37. a. 14. consentientibus etiam Thomistæ recentioribus; eti. S. Thomas hic. cit. q. 58. a. 2. Caietanus ibidem, aliqui discipuli S. Thomæ antiquiores, ut Egidius in tract. de Angel. cognit. q. 7. & in 2. d. 2. part. 2. q. 2. a. 3. Capreolus q. 2. a. 1. & 3. Heruæus de motu Angeli q. 1. & Ferrariensis 1. cont. gent. c. 55. vii & Scotus in 2. d. 3. q. 9. oppositum afferant; quibus consentire videtur ipse S. Thomas cont. gent. cit. c. 55. & 2. cont. gent. c. 10. & q. 8. de verit. a. 1. 4. & hic q. 58. art. 2. vbi exp̄s̄ dicit, patere, quod multa secundum quod sunt distincta, non possint simul intelligi: quamvis recentiores Thomistæ, eum ad sensum addita limitationis nostræ explicant, ut solum locutus sit de perfecta uniuersitate cognitione plurium, qua plura sunt; de quo non litigamus.

Probatur assertio ex Augustino id significante libro 4. in Genes. ad lit. capite 32. & 34. vbi docet, posse Angelum simul cognoscere omnia, quæ initio mundi creata fuerunt. Quo spectat illud cit. cap. 32. sed secundum potentiam spiritualis mentis Angelica, cuncta que voluerit, simul notitia faciliter completem. Ratio est. Tum quia Angelus naturaliter se & alia quædam, etiam diuersis medijs repræsentata, simul cognoscit, ut dictum; cur non ergo etiam medijs iisdem generis repræsentata; si modo interum Angelus, respectu extensionis ad obiecta, non viratur adæquate specie sibi naturaliter indita; quod quidem necessarium esse, cum Suarez loco citato, numero 13, ex communilibenter concedimus. Tum quia potest Angelus uno actu intelligendi duo inter se comparata distingue-re, etiam si diuersi speciesbus repræsententur, ut agnoscere videtur etiam Sanctus Thomas hic citat, quæst. 58. art. 2. nequid sane potest negari; cum nos etiam ita distinguere possimus hominem à bruto: at vero distinguens duo, præcipue per diuersas species repræsentata, non potest non duo ut duo, adeoq; ut plura cognoscere. Tū quia visus etiam noster, & sensus interior, plura ut plura cognoscit, v. g. album & nigrum. Tum quia nec ex parte speciei, nec ex parte actus, est repugnantia, quo minus simul idem subiectum informare, vel ab eodem agere prodire possint: siquidem nihil obstat, plura accidentia, etiam solo numero, ne dum specie differentia (ut in hac cognitione Angelorum accidit) ex ijs, quæ se mutuo non intendunt, ut sunt duas species, vel duas intellectiones numero diuersæ, eide subiecto inesse.

Obijicitur Aristoteles 2. Topic. capite quarto, loco 32. vbi ait, Contingit plura scire; cogitare autem non. Et 4. Metaph. capite 2. text. 10. dicit: Nihil contingit intelligere, nisi intelligenti unum. Sentitur ergo aut unum tantum aut nihil intelligi. Respondent multi, prioris loci sensum esse, non omnia, quæ simul scire habitualiter possumus, posse etiam actualiter simul cogitare: sed melius Suarez ait, Aristotelem solum dicere, contingere, ut is, qui plura scit, unum tantum, non plura cogitet. In posteriori loco solum vult, in vñ nominum, de quibus ibidein loquitur, non plura significata eodem nomine significata, sed unum tantum significatum

deterr-

determinate intelligi oportere; qui enim vnum determinate non intelligit, nihil intelligit. Quo spectant illa verba eiusdem, *Non vnum significare, nihil est significare; nominibus autem non significantur ut perit disputatio*, vt pluribus Molina, Vasquez, & Suarez locis citatis.

Quæres, an etiam per eandem speciem possit Angelus plura & plura, & per plures actus simul cognoscere. Negant Vasquez disp. 221. cap. 3. Zumelq. 58. a. 2. & Suarez olim iunior; quia tamen senior etiam affirmatiua censer probabile hic lib. 2. cap. 37. n. 2. Ego priori magis assentior; quia imperfectionis est, per plura facere, vbi vnum & que sufficit.

Assertio V. Neq; tamen ideo potest Angelus omnia simul cognoscere, quæcunque naturaliter intelligere potest; neq; si posset, actu semper omnia consideraret. Primam partem & secundam post S. Thomam hic q. 58. a. 1. & 2. & communem Doctorum in 2. d. 3. tradidit Thomistæ & Molina cit. q. 58. a. 2. disp. 2. Vasquez disp. 221. c. 3. Suarez lib. 2. c. 3. 4. contra Durandum in 2. dist. 3. q. 8. vbi docet, Angelum actu simul intelligere omnia, quæcunque naturaliter potest intelligere: & contra Ariminensem in 2. dist. 11. q. 1. & Aureolum q. 3. a. 3. qui assertunt, saltem posse Angelum omnia simul intelligere, quæcunque naturaliter potest intelligere.

Ratio prima partis est: Non quia alias Angelus simul cognosceret infinita; nimirum infinitos actus motusque imaginationis, & appetitus sensitiui, in tota æternitate futuros; hos enim non potest naturaliter cognoscere antequam sint; vt ex dub. 5. colligitur; infiniti autem, nec actu sunt, nec fuerunt; sed quia cuiusque agentis creati, vis agendi, & sphæra, quodammodo actiuitatis, per extensionem ad pa- sum, vel obiecta, finita est & determinata: at vero si Angelus simul omnia posset intelligere, quæcunque naturaliter potest intelligere, tum sphæra quodammodo actiuitatis secundum extensionem ad obiecta simul intelligibili, esset quodammodo infinita & indeterminata: siquidem Angelus naturaliter potest intelligere omnia individua rerum existentium; possunt autem plura & plura in infinitum individua existere: Ergo habetur vim cognoscendi simul plura & plura in infinitum; quod est nullam habere vim intelligendi determinatam respectu obiectorum simul intelligibilium. Putat tamen probabile Suarez, esse aliquos Angelos tam perfectos, vt naturaliter omnia simul possint cognoscere, quæ possunt cognoscere, de quo non dispuo.

Ratio secunda partis est: quia multarum rerum singularium, præsentim materialium cognitione, per se non spectat ad perfectionem intellectus, V. G. qui vel quot sint culices, muscae, vel formicæ in mundo, quid singulæ agant: &c. Non ergo credibile est, Angelum semper his intendere velle mentem; etiam si posset. Vbi etiam rursus supponimus, Angelus posse suo arbitratu inadæquate vi aliqua specie inditta respectu extensionis ad obiecta; siquidem vi species non necessitant absolute ad sui vsum, ita nec ad tantum, vel tantum vsum, vt ex communis recte Ferrariensis 2. cont. gent. cap. 101. Vasquez disp. 221. cap. 3. & Suarez hic lib. 2. cap. 37. num. 14. consentiente etiam Sanct. Thoma quæstione octaua, de verit. articulo 13. ad 2. & 8. Sed vt intelligamus, qua ratione

Angelus ab vna intellectione, ad aliam progredi posse, est.

Assertio VI. Angelus ad intelligenda ea, quæ de novo intelligit, potest quidem nonnunquam ab ipso Deo determinari; ordinarie vero & naturaliter determinatur à libera voluntate propria; prævia ea solū cognitione naturali, quia Angelus se ipsum, & suas adeo etiam species naturales, ipsa vero obiecta specierum in confuso, aut oblique tantum cognoscit. Primam partem tradit à posteriori Vasquez d. 221. c. 3. dum vniuersum docet, non nisi à Deo ita determinari Angelum, eq; satis probatur ex generali doctrina S. Thomæ, quam de prima cogitatione create intellectionis tradit 1. 2. q. 9. a. 4. & q. 109. a. 2. vbi de hac replura. Neque ideo sequitur, in Angelis admittendos actus subreptitius; quia actus ille intelligendi, ad quem mens determinatur à Deo, est quidem necessarius, sed non subreptitus, hoc est, casualis, seu per inaduententiam causatus.

Secundam partem, quod se ipsum Angelus libere determinet, tradunt Molina loc. citat. disputat. 2. & Suarez lib. 2. cap. 3. à num. 17. post S. Thomam & Ferrariensem 2. cont. gent. cap. 101. & Aegidium supra loc. cit. Etratio est. Quia ad hoc, vt quis libere se ad actum aliquem determinet, satis est, eum eius uero obiectum in confuso seu oblique præcognoscere; quomodo Angelus præcognoscit omnia, seipsū, suasq; species cognoscendo. Et quia hic modus cognoscendi magis est conueniens perfectioni & libertati Angelicæ naturæ, videtur etiam priore probabilior; præsertim cum alter ille modus demonibus difficulter possit applicari; & in ceteris etiam difficultatem ingerat, ne vlla vñquam cogitatio Angeli sit libera, quoad exercitium, vt fusi prosequitur Suarez ibidem.

Addit Molina ibidem, Angelum sèpe decursu temporis, sine vlo imperio voluntatis, ad multa aduertere, in variis cogitationes, non secus ac nos, incidendo; sic tamen, vt sit in potestate voluntatis Angelicæ, vel cooperari cum intellectu, vt persistat in cogitationibus, & de quibusdam deueniat ad alias; vel impide cogitationem, eam supprimendo; aut a ciem intellectus ad alia convertendo; vt nimis haec ratione (quod idem Molina q. 60. a. 1. & 2. ex communis docet, & dicetur quæst. seq.) ab Angelis excludant actus subreptiti & indeliberati, vt in nobis sunt.

Assertio VII. Intellectus Angelicus sua natura plane expers & incapax est omnis discursus, vel etiam compositionis & diuisionis in intelligendo. Ita S. Thomas hic q. 58. a. 3. & 4. & q. 8. de verit. art. 15. ad 2. vbi loquitur etiam de obiectis supernaturalibus & 3. cont. gent. c. 44. & 91. item Ferrariensis ibidem Caietanus, Bannes & Thomistæ hic cit. a. 3. Alefis 2. p. q. 20. mem. 5. Albertus 2. part. sum. q. 9. Capreolus in 2. d. 3. q. 2. a. 1. conclus. 10. Gregorius de Valentia q. 9. pun. 2. Suarez hic lib. 2. cap.

Etsi contrarium sentiant Scotus in 2. d. 7. a. 1. & d. 1. q. 6. & in 3. part. prolog. q. 4. & 5. Ariminensis 2. d. 7. q. 5. a. 2. Ockam in 2. q. 16. & Gabriel in 2. d. 3. q. 2. a. 3. qui docent, Angelos discurrere, non secus a homines. Quod Vasquez disput, 222. cap. 2. in obiectis quidem supernaturalibus, non autem in naturalibus verū habere censem: Molina vero hic q. 58.

a. 3. & 4. in vtrisq; non quidem per se, sed per accidens; cum scilicet intendo rem viam, cognoscunt rem alteram abstractiuam, ut ex creaturis Deum, quandoquidem ipse existimat; non posse eandem cognitionem simul esse intuituam & abstractiuam, et respectu diuersorum obiectorum; quod tamen fundamentum superius dub. 3. refutauimus. Suarez deniq; hic lib. 2. c. 33. à num. 18. existimat, Angelum tum in materia supernaturali, tum in his omnibus, que non evidenter, sed solum probabilitate seu per conjecturam iudicat, vere discurre. 21

Sed probatur assertio auctoritate S. Dionysii c. 7. de diuin. nom. qui non obscure eam significat, dum Angelis tribuit simplices, beatasq; mentis susceptiones. &c. Faustus et Augustinus de Genes. adlit. lib. 4. c. 32. & 34. & Bernardus serm. 5. in Cantic. Ratio assertioris petitur, tum ex ipsis Angelorum nominibus. Vocantur enim mentes coelestes, & intelligentiae, seu intellectuales substantiae; idq; ad differentiam nostrarum animarum, quae rationales vocantur; est autem intellectus & intelligentia stricte loquendo, primorum principiorum, seu eorum quae statim naturaliter apprehenduntur, ut notauit S. Thomas hic cit. a. 3.

Tum quia alias Rationale non est ultima differentia hominis. Tum quia cum Angeli sint altioris naturae intellectualis, habent lumen et superioris, & modum cognoscendi altiore, quo in principiis seu causa effectum; & in effectu causam; vii & in subiecto prædicatum simul ac eadem cognitione, adeoq; sine discursu & complexione cognoscant; saltem intra latitudinem obiectorum, qua simul ab eis possunt cognosci: quia non est necesse, eadem cognitione cognoscere posse omnia, quae absolute ex eodem principio possunt inferri. Sic enim simul cognoscere possent infinita; V. G. infinitas Eclipses possibles, quod tamen non sine causa contra Ariminensem negat Molina, & se re Valentia; qui tamen simul id concedere non admodum putat absurdum. 22

Accedit optima congruentia S. Thomæ cit. q. 58. art. 3. vbi ait: Angelii illum gradum tenent in substantiis spiritualibus, quem corpora celestia in substantiis corporeis, nam & celestes mentes a Dionysio dicuntur. Est autem et differentia inter celestia & terrena corpora, quod corpora terrena per mutationem & motum ad ipsiū sunt ultra-mam perfectionem, corpora vero celestia statim ex ipsa sua natura suam ultimam perfectionem habent. Sic igitur & inferiores intellectus, scilicet hominum, per quandam motum & discursum intellectus operationes perfectionem in cognitione veritatis ad ipsiū sunt, dum scilicet ex uno cognito in aliud incognitum procedunt. Si autem statim in ipsa cognitione principium noti insipient quasi notis omnes conclusiones consequentes, in eis discursus locum non habebet. Ethoc est in Angelis, qui statim in illis, quae primo naturaliter cognoscuntur, insipient omnia, quaeunque in eis cognosci possunt. &c. 23

Simili ratione probat S. Thomas a. 4. Angelos etiā non componere, nec diuidere; quia in ipsa statim apprehensione quidditatē subiectū habent notitiam de omnibus, quae possunt attribui subiecto, vel remoueri ab eo. Et c. Etsi nonnunquam saltem per accidentem compōnere & diuidere concedat Molina ibidem, & Vasquez disp. 223. speciatim quando extrema habent diuersas species: Ut cum intelligunt V. G. hominem distinguiri a lapide, vel non esse lapidem. &c. Sed nec hoc est ne-

cesse: quia neq; tunc faciunt formaliter hanc divisionem conceptuum. Homo nō est lapis; sed eo ipso cognoscunt, extrema esse distincta, quod vtrumq; vt est, intuitu, esto conceptu ac notitia diuersa, concipiunt; ad eum sere modum, quo est sensus distinguuntur à tenebris, seu dulce ab albo. &c. Accedit, quod nil obstat, vno et simplici conceptu, concorrente vtriusq; extremi specie, directe cognoscere distinctionem extremon, ut recte Suarez cap. 32. n. 11. quin n. 17. probabilius putat, Angelū cōponere & diuidere in iis, quae evidenter non cognoscit, vt de discursu dictū.

Sed non probatur. Nam etiam in probabilitibus principiis evidenter Angelus cognoscit probabilitatem consequentis, seu ipsam probabilitatem connectionis: neq; si prudenter agat Angelus, aliter, quam sub modo probabilitatis iis assensum preberet, nec potest ex assensu eiusmodi modificato principiorum, vero & illatio discursu elicere absolute assensum conclusionis, ut pote plane inconsequentis. Quod si ponamus, Angelum malum temere & imprudenter agendo, absolute & sine modificatione assentiri principiis probabilitibus, tunc non minus simul ac eodem simplici actu, adeoq; sine discursu, absolute etiam assentiri poterit consequenti; quam alias prudenter agendo in principiis evidenter absolute cognoscere & assentiri soler conclusioni evidenti. Solum hoc inter vtrumque casum erit discrimen, quod hoc prudenter; illud imprudenter; hoc necessariob; saltem quoad specificationem; illud libere, adeoque non absque inclinatione prævia voluntatis faciet.

Quod si deniq; ponamus, Angelum prius elicuisse assensum modificatum circa probabilita principia, postea vero suo arbitratu, temere agendo, assensum absolutum circa conclusionem, tunc id reuera non fieri per verum & formalem discursum causalem, qui solus proprius discursus est; sed ut sumnum forum per discursum successivum, sive successionis; qui plures assensus successiū quidem, sed sine nexu & dependency elicitos complectitur, nec adeo verus & proprius, sed solum improprie dictus discursus est, ut facetur etiam ex communī Logicorum doctrina Suarez; nec aliter fere de discursu, quem Angelis tribuunt, loquuntur Scoti & Nominales citati. Videri de vtrōq; discursus genere potest S. Thomas hic q. 14. a. 7. & q. 8. de verit. a. 4. ad 14. Ex quib; existimo fundamento Suarez satisfactum esse. 24

Interim non negandum, Angelos (quod etiam de Deo suo loco dictum) diuisiōnem & compositionem ac discursum, ut sunt in nostro intellectu, cognoscere, ut recte S. Thomas ibidem a. 4. Sicut neq; negandum est, in Angelico intellectu proprius esse veritatem aut falsitatem; quia Angelica cognitione vere iudicativa est; & licet non formaliter, tamen eminenter est diuisio & compōsitus, ut cum S. Thoma ex communione cognoscunt etiam Molina & Vasquez cit. q. 58. a. 5. & in simili de divina cognitione dictum. Neque in contrarium restat aliud alicuius momenti argumentum, quo probetur, Angelos formaliter discurre, aut componere. &c. 25

Assertio VIII. In Angelis non sunt habitus naturales cognoscitivi, seu cognitionis habitualis acquisita. Supponimus ex dictis dub. 2. esse in Angelis habitus naturales repräsentativos (nimurum species intelligibiles) qui ex parte ipsius obiecti ad cognitionem

nem Angelicam concurrunt; sed negamus, esse in eis habitus cognoscitios naturales seu acquisitos, qui ex parte potentiae ad facilitandam seu efficiendam naturalem cognitionem Angeli concurrent, prout in nobis sunt quinq[ue]; illae virtutes intellectuales, item fides acquisita, vel opinio &c. Hæc est sententia S. Thomæ hic q. 58. a. 1. vbi absolute negat, intellectum Angeli esse in potentia ad actum primum, ut dixim⁹ assert. r. Idem exp̄esse docet Scotus in 2. distin. 3. q. 11. § *Contra Iustum*, vers. *Ad aliquid*. Durandus in 3. d. 23. q. 1. ad 1. Mayron in 3. d. 33. q. 1. a. 5. Caietanus 1. 2. q. 54. a. 4. & q. 63. a. 1. Vasquez disput. 219. cap. 2. & disp. 43. cap. 7. & 1. 2. disp. 78. cap. 3. & 4. Fonseca 9 Metaph. cap. 1. q. 2. sect. 1. & for Ferrarieſis 1. cont. gent. cap. 56. eamq; communem vocat. Suarez hic lib. 2. cap. 3. 8. num. 5. et si contrarium dicxerint Henricus quodlib. 5. q. 14. Medina 1. 2. q. 51. a. 1 & q. 54. a. 4. Molina hic q. 58. artic. 1. & ex parte Suarez Metaph. disput. 35. sect. 4. num. 23. & 24. & disp. 44. sect. 3. num. 8. & hic lib. 2. cap. 3. 8. à num. 8. vbi fatetur quidem, in Angelo non esse habitus cognoscitios naturales, seu inditos, seu acquisitos, respectu eorum obiectorum, quæ Angelus naturali cognitione euidenter nouit; at vero simul ait, esse in ipso habitus naturales acquisitos, circa ea, quæ solum probabilitate per fidem aut opinionem naturaliter nouit... Pro qua sententia citat recentioribus etiam Pſantium cit. q. 58. a. 1. Herreram in 2. d. 12. q. 1. notab. 1. & pro parte posteriori etiam Bannem. & Zumel cit. q. 58. a. 1.

<sup>29</sup> Sed assertio nostra generalis est verior. Ratio est. Quia ex parte cognitionis, circa obiecta naturalia, nulla est difficultas in Angelo; neq; circa ea, quæ euidenter, neq; circa ea, quæ solum probabilitate cognoscere potest. Quia in utrisque siue connexione terminorum in se, siue connexionem cum principiis euidentibus, siue in utramque partem argumenta probabilitatis, facile & sine ullo impedimento, si modo ipse animum & mentem applicare velit, (quod à voluntate eius dependet) cognoscit: idque in probabilibus etiam ob causam, quod Angelus, prudenter agendo, vt dictum, in eo casu non elicit absurdum assensum circa neutram partem, sed solum modicum assensum; nimis hoc vel illud esse probabile, aut probabilius, quod etiam euidenter ex utrisque partis motibus seu argumentis cognoscere potest; non minus quam ipsam veritatem propositionum euidentium de inesse. Quod si malus Angelus temere agendo de obiectis probabilibus absolutum assensum velit elicere, vt fane, potest, ipse vero in se determinando difficultatem sentiat, tum quia res tota à motione voluntatis dependet, acquirere quidem poterit habitum in voluntate, quia ad hanc potius quam ad aliam partem, facile eligendam determinetur; sed hic habitus non erit cognoscitius, vt patet. Neque argumenta in contrarium sunt alii cū momenti.

Assertio IX. Et si Angelus non decipiatur in cognitione naturali earum rerum, quas intuitu sua quidditatibus cognoscit, tamen in cognitione abstractiua aliarum rerum, quas non cognoscit proprio aut quidditatibus conceptu, sed per conjecturam, aut fidem acquisitam, vt sunt supernatura, secreta cordium, aut futura contingencia, potest Angelus sua natura decipi; et si boni Angeli re ipsa nunquam, mali sepe decipiuntur. Hæc est doctrina S. Thomæ hic q. 58. a. 5. quamfusius explicant & sequuntur Caietanus, Bannes, Zumel, Vasquez, Molina ibidem, Gregorius de Valentia q. 9. phn. 4. & Suarez hic lib. 2. cap. 3. 9.

Et prima pars per se patet; quia omnis cognitio euidentia, seu intuitiva, seu quidditatua, est vera. Unde etiam Aristoteles 9 Metaph. tex. 22. dixit, in intelligendo quidditates simplices non esse falsitatem; quia vel totaliter non intelliguntur, vel cognoscuntur ut sunt. Et lib. 3. de anima tex. 26. & 51. dicit intellectum semper esse verum.

Secunda pars ex eo probatur. Quia sicut Angeli sua natura sunt obnoxii peccato, ita etiam erroribus intellectus; alias enim nec dæmon erroribus his obnoxios esset, cum naturam habeat eandem cum bonis Angelis.

Tertiam partem tradit Augustinus 9. de ciuit. Dei cap. 22. Et ratio est. Quia boni Angeli ratione statutus nulli plane errori, nec peccato sunt obnoxii: si quidem etiam error seu falsitas intellectus vitium quoddam & defectus, seu miseria est, qualis locum non habet in beatitudine. Quare etiam boni Angeli dærebus incertis definite & absolute assensu non iudicant, donec de illis diuinis instruantur, vt optimo doceat Augustinus loc. cit. sed probabilitia solum ut probabilita iudicant; non autem tanquam veris absolute assentiuntur; nec in illo iudicio unquam falluntur, etiamsi quod probabile iudicant, re ipsa falsum sit. Unde non probandum, quod ex Malonio in 2. dist. 3. disput. 6. refert Suarez hic lib. 2. cap. 33. num. 25. *Angelos bonos interdum, malos vero sepius me decipi*; hoc enim quidem verum, vt mox dicetur, sed prius falsum.

Quartam partem tradit etiam Dionysius 4. cap. diuin. nom. vbi ait, in dæmonibus esse phantasiam proterviam. Et cap. 7. diuin. nom. dicit, dæmones prolapsos à sapientia, & habere rationem depravatam, seu mentem à ratione aseparatam. Et ex scriptura constat, dæmones initio existimasse, Christum non esse Deum. Ratio est; non solum quia isti relinquuntur conditioni naturali: sed etiam hoc ipsis; quod peccatis & prauis affectibus depravatam habent voluntatem, multa sepe inordinate ac precipitanter agunt, ad eam etiam partem, in rebus dubiis, inclinantes intellectum, quæ inordinato affectu magis deseruit, etiamsi forte à parte rei falsa sit. Atque hæc de modo cognitionis Angelica, atque vniuersalim de intellectu Angelis satis.